

應州續志卷之四

應州知州南豐吳炳纂輯

祠祀志

壇廟

寺觀

塚墓

按文獻通考志郊祀歷敘日月星辰社稷山川之祭而終以雜祀淫祠謂品節儀文祝史有司知之其義則非儒宗講求不能明也祭義云日月星辰民所瞻仰山林川谷邱陵民所取材用非此族也不在祀典應自壇壝外城隍八蜡諸祠尙有功德於民無慙報享他如道宮梵室結構連雲皆淫祠類也聽其並存可耳至名賢碩德一抔邱壠雖非祀典所及亦有動人憑弔者次祠祀

應州續志

卷四

一

壇廟

社稷壇 在城外西南隅壇制詳見舊志雍正十一年署知州樊天漢補修乾隆三十四年知州吳炳捐俸重修

風雲雷雨山川壇 在南關西隅壇制詳見舊志雍正十一年署知州樊天漢補修乾隆三十四年知州吳炳捐俸重修

先農壇 在城外東郊雍正五年知州靳治徐奉文建正房三間配房各一間週圍築土爲牆乾隆三十四

應州續志

卷四

一一

年知州吳炳捐俸重修

藉田地四畝九分收穀一石五六斗不等每年祭祀用穀一石四斗五升餘積至五年糶售一次其價作爲祭祀之用不敷赴司請領又歷任前牧陸續捐買壇外東西兩旁餘地二十畝以資修壇費用並給守壇人口食

厲壇 在北城外有土臺一處並無壇臺圍牆門樓諸項每遇祭日搭棚祭祀

城隍廟 在城內西南隅學宮之東前後創建修理詳

見舊志乾隆三十三年知州吳炳重修有碑記

開化祠 在城內東北隅乾隆二十年建二十九年重修

元武廟 在北城上乾隆十四年重修

馬神廟 一在州治馬號一在東關甕城乾隆十八年重修乾隆三十四年於甕城建樂樓一座

火神廟 在城內西南隅乾隆三十年重修

恆山廟 在西關甕城乾隆十五年重修

財神廟 在城內西北隅乾隆四年重修

應州續志

卷四

三

玉皇閣 在城內南街乾隆三十四年重修 本名通

明閣見林贊王所撰碑記

地藏庵 在城內東北隅乾隆三十三年重修 俗稱

閻王殿

聖母廟 在城內西街相傳唐明宗母建乾隆十五年重修乾隆三十一年建樂樓一座

炳查應地諸祠廟城鄉建設甚繁關帝廟在關內外亦有五所雍正四年後已載舊志未經修葺者槩不重錄田志載天王祠在古舊城東北隅唐魏公李靖

創建按李靖封爵爲衛訛衛爲魏或係記憶之悞至稱爲天王沿襲三家村梨園之說筆諸志乘則鄙陋甚矣又云晉王李克用母嘗禱於祠見壁裂金甲神躍出後生克用蕭志刪數語未載殆知聖人不語怪之意耶然祠名仍列簡首亦未識儒者擇言之道也據田志云遼金尙存元末兵燹是已無其地矣削去允宜

寺觀

佛宮寺 在城西北隅前後創建修理詳見舊志乾隆三十一年重修 通志云舊志載晉天福間建遼清寧二年重修考田蕙記寺無舊碑文僅得石一片書遼清寧二年田和尚奉勅募建十二字郡志州志皆本此不知舊志何據豈寺權輿於天福而木塔則肇自清寧也耶

覺興寺 在城東街俗名南寺前後創建修理詳見舊志乾隆二十九年重修

應州續志

卷四

五

淨土寺 在城東北隅俗名北寺前後創建修理詳見舊志 按舊志金天會二年建歷今數百年而佛殿椽桷之下以木板雕鏤龍鳳嵌置其間金碧照耀尙未剝落其制異於他寺古老傳係明宗祖廟前室寢殿在今北城外後移建城垣隔斷故址遂廢攷五代史明宗天成二年十二月追尊四代祖考皆爲皇帝妣爲皇后立廟應州是必實有其地所言或非訛傳附載於此

大安寺 在州南崔家莊田志寺內有明太祖賜璧峯

上人詩刻宋學士濂塔銘蕭志失載乾隆三十年重修

彌陀寺 在州東北邊耀村乾隆三十一年重修 按

州西南賈莊村尚有西彌陀寺

下生寺 在州西南東賈莊村乾隆三十年重修

天王寺 在州東南下社村乾隆二十九年重修 按

天王寺應係天王祠之訛似宜更正

文殊寺 在州東南小石村詳見舊志田志寺內有古

松霜皮蒼翠枝幹如龍

應州續志

卷四

六

龍灣觀 在州南下寨村乾隆八年重修

炳按雲中爲北魏拓拔氏故都其俗較前代事佛尤甚鳩木爲宮範金爲像竭民力成之莫可紀極以故雲屬梵宇璇題雕甍勝於他郡遼史載道宗崇尚佛教一歲飯僧至三十六萬人一日祝髮至三千人攷佛宮寺木塔建自遼清寧二年正當道宗沉溺異端之日以浮屠爲皈依視金銀如泥沙成此無益之舉嗚呼是可感也田志云蕊殿珠宮丹堊莊嚴博雅好古之士卽尸祝之而棟廡湫隘萑草不除者有矣據

此則愚民惑於因果輪迴之說輕重失倫又可感也
朱竹垞檢討謂拓拔之主逞其淫刑殺人如割羊豕
佛氏倡好生斷殺之言世主徃徃稍迴其殘忍之性
是佛教在當日固有益於民也旨哉言乎

塚墓

唐朱邪府君墓 通志在馬神祠下朱彝尊朱邪府君石蓋記丁未之秋自代州復至大同將次應州避雨馬神祠下前有施食臺刻石列八卦於旁又書二十八宿字心異焉俾從者覆而觀之上有篆文曰唐故汾州刺史朱邪府君墓誌銘蓋沙陀之俗死焚其骨盛以石函此則其蓋也攷後唐家人傳無官汾州者惟明宗之父電嘗贈汾州刺史見冊府元龜又葬於應州其爲電墓銘無疑史稱明宗無姓氏太祖養以爲子不知其父冒姓朱邪者久矣後明宗卽位謚其考曰孝成廟號德祖當其時祠官之守春秋之祭山陵之封土必崇孰意爲人所發千載之下并石函亡之而僅存其蓋也乃言於按察副使曹公溶徙之於州學而爲文記之

五代周太師周密墓 舊志在城東城下莊隆慶間塌出 通志按五代史無周密惟馬邑周德威嘗贈太師或緣此悞書抑或其祖耶予攷宋史周廣傳廣之先應州神武川人父密事晉歷鄜延晉三鎮節度使

周廣順初至太子太師致仕是周密墓在應州無可疑者通志疑墓係周德威之祖似屬訛誤然周廣順時應地久屬契丹密何繇歸葬故鄉則亦不可究詰矣

金應州錄事司劉筠墓 宋澤墓誌銘應州寅賓里劉愈詮將合葬其父母來以問銘於余蓋所以重其親之終欲信其言於後世也君素無祖父之舊址不數年而家給亦不爲小謹小廉以投衆人之耳目而取予進退必度其仁義可否有弟劉完伺視其家有不

已若常使服用飲食綽綽羨餘其臨終也又分授莊園第宅君之卒年六十明昌六年葬於金城之東今再卜泰和三年合葬於上瑞鄉白家堡東原之下子三人長曰愈詮次曰愈安三曰愈勵其大畧如此誌石在今城隍廟內爲柱形方隅八面高二尺許徑一尺亦古所僅見者字多剝落恐愈久而磨滅不可識故撮其要附載於此

國朝左光圖墓 明河南嵩縣知縣通志光圖歿貧不克葬魏敏果象樞買地葬之墓在魏里南馬莊

炳按舊志載晉王李克用墓在城東安邊鎮南攷五代史天祐五年正月克用卒子存勗立葬克用於鴈門天祐十八年晉王存勗命李存霸執劉仁恭至鴈門刺其心血以祭先王墓然後斬之通志晉王李克用墓在代州西八里栢林寺側據此則晉王墓不在應州明矣但郡志州志歷經登載且佛宮寺有透玲碑二尺許嵌置塔壁傳係墓上石以意度之或係明宗祖墓歟當時明宗人立四代祖考已易名上諡改置園陵辟邪曩廩宜有大異曩時者然晉王威名曩於代北明宗祖考雖葬應地多係微末無稱後之人見封土崇隆求其人不得遂實以晉王未可知也故謂克用之生在應不妨存疑謂克用之葬在應似難從俗